

2002-12-12
kioskoa

Iban Arregi

Aznarren kontrako umorea

Ilustrazio grafikoak presentzia nabarmena dauka gaur egungo prentsan. *Komiki, txiste, marrazki, editorial grafiko, ilustrazio...*; hola edo hala deitzen zaiola, informazioa emateko, kritika eta salaketa egiteko eguneroko tresna dugu egunkarrietan. Askotan, lider politikoen karikaturak nagusitzen dira, haien kontura barre egiten da, nolabait esateko, eta horrek ere, kontrako editorialei ez ezik, lider horiei ere min egiten die. Asteotan, *Prestige* petroliontzia dela-eta, Jose Maria Aznar Espainiako presidentea izan dugu protagonista ia egunkari denetako komikietan. Gogor hartu dute Aznar *editorialista grafikoek*. *El Mundo*-ren Idigoras y Pachi komikilariak Aznar karikaturizatu zuen abenduaren 7an, halako inuzente aurpegia jarritz. Guillermod ere Aznarri eskaini zion egun hartako komikia, egurra emateko. Abenduaren 9an, berriro, Guillermoden marrazkietan ageri zen Aznar, berriro itxura penagarria emanez. Abenduaren 9an, 10ean eta 11n, *El Mundo*-n bertan, Gallego y Reyk sobera kritikatu zuen Aznar, besteak beste, manipulazioa egotziz. *El País*-eko Forgesen atzoko komikian ere Aznarren karikatura ageri zen, *Don chapote de la mancha* izenaren azpian. Aurreko egunetan ere askotan marraztu dute Aznar egunkari horretan. *El Diario Vasco*-ren Zulet marrazkilariaren *pertsonaia* irri-garri nagusia ere Aznar izan da azken asteotan. Beste egunkarrietan ere antzera.

Espainiako *editorialista grafiko*en jo puntuan dugu Aznar, Espainiako umorea Aznarren kontra dago. Eta horrek azkenaldiko kontrako editorialei ez ezik, hari eta haren alboko-en irudiari ere min egingo zion.

Egunkaria
euskaldunon 3.731. zenbakia

Oherezko Lehendakaria: Martin Ugalde

Administratzaile Kontseiluko Lehendakaria: Joan Mari Torrealdai

Kontseilari Ordezkarria: Inaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Igor Sota

Egoitza Nagusia: Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com

Batzorde Parekidea: 72664 E Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz

Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irribitz dorrea) 31011 Iruñea

Tel.: 948178078-79 Faxa: 948178077 Tel.: Publizitatea: 948176686


Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715

Tel.: Publizitate Orokorra: 944701199-80 Publizitate Lokala: 944701114

Lapurdia, Nafarroa Beherea, Zuberoa: Pelletier 35,

64100 Baiona Tel.: 559593575 Faxa: 559257511

martintxo



hizpideak

Jarduera Zerga, bi milioiko fakturaziotik behera

Gasteizen bildu ziren atzo Eusko Jaurilaritza eta EAEko hiru aldundietako ordezkariak eta Lakuako gobernuak bere proposamena jarri zuen mahai gainean: bi milioi euroko fakturaziotik behera duten enpresei Jarduera Ekonomikoen gaineko Zerga kentzea, beti ere talde edo multinazional handiago bati loturik ez badaude. Neurri garrantzitsua da enpresa eta langile autonomoentzako, baina, era berean, udalen diru sarrerak apalduko ditu eta hori konpentsatzeko neurriak aztertzen ari dira. Lehen datuen arabera, 60 milioi euro gutxiago jasoko dute udalek.



Europako Batzordeak ezarri nahi dituen kuota zorrotzak salatzeo Frantziako arrantzaleek atzo egindako protesta.

Goi bilera Kopenhagen

Hamabostek behin betiko oniritzia emango diote Europako Batasunaren hedapenari gaur eta bihar Kopenhagen egingo duten goi bileran. EBk ekialdeko ateak irekiko ditu Danimarkako hiriburuan 2004. urtean hamar herrialdeentzat, urte luzeetako prozesuaren ondoren. Aldez aurretik ia dena erabakita dagoela dirudi, ez da horrela, baina. Finantzazioari buruzko akordioa ez dago guztiz lotuta: EBN sartzeko diren zenbait estatuk laguntza handiagoa eskatu dute, eta Brusela, teoriarik behintzat, ez dago horretarako prest. Turkiaren auzia ere hortxe dago: Ankarak lehenbailehen hasi nahi ditu EBN sartzeko negoziatioak, baina Batasuna ez da hain presaturia.

Sabino Padilla Athleticen medikua, jokalariekin, Gurpegik emandako positiboaren inguruan hitz egiten.



Merezi zuen biografia liburua dauka Francisco Madinak

Oñatiko abesbatzaren enkarguz, Francisco Madina musikagilearen biografia idatzi eta argitaratu du Jose Antonio Azpiazu historialariak. Material ugari eskuratu zizkion Azpiazuri abesbatzako kideek, eta Azpiazuk ohiko duen arretaz eta egokitasunez idatzi du liburua. Ongi merezia zuen Madinak gisa horretako biografia bat. 1907an Oñatin jaio zen, baina Amerikan egin zituen urte asko Madinak, Argentinan lehenik eta AEBetan ondoren, beti musikaren munduarekin estu lotuta, irakasle moduan eta musikari edo sortzaile gisa; musikarik gabeko bizitza pentsaezinezkoa baitzen harentzat. Ekainaren 30ean izan ziren 30 urte Madina hil zela.

Ardurak argitu beharko dira

Dopina ohiko hizpide bilakatu da kirolean azken urteotan. Txirrindularitza izan da, zalantzarik gabe, kirolrik jipoituena, eta askotan bidegabekieraz jokatu da ustez positibo eman duten txirrindulariekin, errugabetasun esku-bidea ukatuz. Futbolekin, berriz, ez dago halako joerarik. Zorionez, dopin kasu gutxiago izan da —kontrolak ere bai, ziurrenik— eta horregatik sortu du harridura Athleticen Carlos Gurpegiren kasuak. Kontranalisiaren faltan, gehiegizko nandrolona aurkitu zioten Realaren aurka jokatutako derbian. Jokalariak eta Athleticen errugabeak direla diote, eta ez dago ez sinesteko arrazoirik. Baina akatsa non egon den jakitea ezinbestekoa da, jokalaria gazte baten etorkizuna baitago jokoan. Dopinarekin ezin da arinkeriaz jokatu.